



IBEN DON ILO KRAIST





“Ij akweḷap ñan koṃ, ro jeiū im jatū, ilo etan ad Irooj Jisōs Kraist, bwe koṃwin aolep errā ippān doon, im bwe en ejjeḷok jepel ippemi, a bwe koṃwin bōro wōt ilo juon wōt ḷōmṇak im juon wōt pepe” (1 Korinth 1:10, ESV)

Elikin an kar yokyokwe Ri Korint ro im nebar ir ilo aer eddeklok ilo jitōb, Paul ej wōnmanlok im konono kin abañ ko moktata ej jelet eklesia eo: an aer ejjab ibben dron.

Ilo aolepen leta ko an ñan ri Korint ro, im ko jet me Paul ear je, jej loe an letok ñan kij nan in tel ko ñan kamadmōde abañ rot in, eo emaroñ bareinwōt jelet eklesia ko ad rainin.

Juon men ej alikar jen jinoin: Ibben don iloan eklwsia ejjab maroñ in walok jen kijejeto an armij. Ak ilo ad kalimjōk wōt Jisōs jemaroñ bōk boro in ibben dron.



➡➡ Apañ ko me ej kōkkure an armij ibben don:

➡ **Kōjepel armij im akwāāl ko**

➡➡ Ewi wewein kejbārok boro en juon wot:

➡ **Iben don ilo Jisōs**

➡ **Mālōtlōt im rūttolok**

➡ **Jerbal im ettā boro**

➡ **Kautiej ri tel ro**




ABAÑ KO ME EJ KÕKKURE AN
ARMIJ IBBEN DON

KÕJEPEL ARMIJ IM AKWĀĀL KO

"Ij akweḷap ñan koṃ, ro jeiū im jatū, ilo etan ad Irooj Jisōs Kraist, bwe koṃwin aolep errā ippān doon, im bwe en ejjeḷok jepel ippemi, a bwe koṃwin bōro wōt ilo juon wōt lōmṇak im juon wōt pepe."

(1 Korinth 1:10)



Ta jebel ko rar walok ilo Eklesia eo ilo Korint (1 Kor. 1:12)?

Elōn ri tel ro rar etal ñan Corinth, im kajjojo ri tōmak ro ewor aer ri kwalok me elap aer iakwe ir (Paul, Apollos, Peter...) Men in ear tōbar ñan joñan eo me en walok akwāāl ibwiljier (1 Cor. 1:11).

Ilo aer jab kile ke rej aolep kwalok kin juōn wot naan ekwojarjar, ak rej kalemjak wōt men ko rejjab reaorōk (1 Cor. 3:5-8).



Jidik ñan jidik, ear jelet mour an eklesia eo (1 Cor. 3:3). Ilo aer jab rejetak ñan don ear kōmman bwe en jab emman an armij ro kōmmene kwojkwoj eo an Iroij (1 Cor. 11:33), im rar etal ñan joñan eo rar bōk eddo in ekajete don ilo jikin ekajet (1 Cor. 6:1).





EWI WĀWEEN AD MAROÑ
EN KEJBAROK BORO EN
IBEN DON

IBEN DON ILO JISÕS

**"Anij e tiljek, eo ear kirtok kom bwe komwin kōmṁao
ippān Nejin, Jisōs Kraist ad Irooj." (1 Korinth 1:9)**


**"Kraist ej jepel ke? Paul ear kar debwāāl kōn kom ke? Ak kom ar
peptaij ilo etan Paul ke?" (1 Korint 1:13). Ilo kajitok kein, Paul
ekōnaan kōmman bwe ren lemnok.**

**Ibben dron emaron walok ilo ad bōk Jisōs einwot ad Iroj. Ibben dron
ejjab walok ilo ad bokake lemnok ko an juon jeid ak jatid, ak ilo ad
dāpij wōt ak kajutak kumi ko mottar make.**

**Ak ad iben don ilo Jisōs ejjab melelen jej lemnak joñan wot juon.
Ejjab melelen bwe jej aolep juon wot lemnok kin men otemjej, ak bwe
jej jermal ilo juon wōt wewein.**

**Oktak ko redik ilo lemnok ko ad, menin letok ko reoktak jen don,
ñe rej bedbed ion Kraist, ijellokin an kōmman akwāāl, ej kōmman
bwe en wor ibben dron. (1 Cor. 12:12-13, 25, 27).**

**Ibben dorn iloan eklesia eo ej walok wōt ilo ad karmijete kij
make im mour kin Jisōs.**



MÖLÄTLÄT IM RÜTTOLOK

“Ro jeiū im jatū, Ijjab maron̄ kōnono n̄an kom̄ āinwōt armej ro rej mour kōn Jetōb ak āinwōt armej ro rej pād wōt ilo laḷ in —nin̄nīn ro wōt ilo Kraist.” (1 Korinth 3:1)

Paul ej naetan Rikirijin ro rejañin rütto, “rej niñniñ wot ilo Kraist,” “ri kanniök” (1 Korint 3:1). Kain Rikirijin rot rein rej lukkun lale armij jen aer lale Jisōs.

Ñe armij rej kautej jet ri tel ro ilo an jolok ro jet, armij rot rein rej komman jepel iloan Eklesia eo. Menin ej kwalok kin aer jañin rüttolok. Kin menin, Paul ej karuwaineneik kij bwe jen rüttolok ilo Kraist (1 Korint 2:6).

Ejjañin rütto



Rej einwot niñniñ wot
(1 Cor. 3:1)



Rej mōñā milk
(1 Cor. 3:2)



Rej Kanniök
(1 Cor. 3:3)



Ekar mōkaj aer lori lemnak ko an ro jet. (1 Cor. 3:4)

ERÜTTO



Rej rütto
(1 Cor. 14:20)



Rej Moñā Mōña ko Rebbin (Heb. 5:14)



Rej Ilo Jitōb
(1 Cor. 2:13)



Ewōr ippāer kile kin jetōb kwojarjar
(1 Cor. 2:14)

JERBAL IM ETTĀ BŌRO

"Komin watoki kim ri karejarian Kraist, ro emwij likit ir ri bok eddron menin katak ko rettino an Anij. " (1 Korinth 4:1)

Einwōt ilo ran kein, ilo ebeben eo kein kajuōn armij ro rar jebel jen dron kin kien, meletlet, kabuñ, im tōmak ko jet. Ewi wawein ad maroñ bōbrae lemnok in jen an deloñ iloan eklesia in im kōmman jebel?



Molen ak manit eo an juon ri tel ej elap an aurok. Eaikwij bwe ri tel ro remelele kin jermal ko aer einwot juon ri lale armij ilo eklesia eo. Eklesia eo ak kabuñ eo ejjab an ri tel ro, ak rej maneja ak ri lale wot kin jermal ko an Kraist iloan eklesia eo.

Paran ak ri tel eo euteej tata ilo eklesia eo ej Kraist, im aolep ro jet rej "rekarejarian Kraist" (1 Cor. 4:1).

Ri karejar eo ej jermal ilo eklesia eo ej aikuj in jermal einwot an Iroj eo an jermal: aolep ien ej aikuij lelok e make ilo ettā im jermal ñan ro jet (Phil. 2:3-8).

Ibben dron rot eo enaj kar walok iloan eklesia eo elañe aolep – jab baj jet ri tel ro wōt, ak aolep membōr ro – rej kōmmene ilo wewein in?



KAUTEEJ RI TEL RO

“Juon wot menin aikwij ñan ri bok eddo, enin: bwe en tiljek ñan iroj eo an.” (1 Corinthians 4:2)



Meñe ewor akwāāl ikotan kumi ko ibelakin ri tel ro iloan eklesia eo ejjab melemen bwe jej aikuj jolok ir. Ilo oktak, Paul ear rejetake im jojomare jermal in kwalok naan eo an Apollos im jermal eo an ilo Korint (1 Cor. 3:5-6; 4:6; 16:12).

Ñe ri tel ro an juon eklesia rej tiljek wot ilo aer jermal, rej tellokin bōk kautiej (1 Cor. 4:2; 1 Tim. 5:17). Ak meñe rejjab bōk kautiej in, rej aikwij tiljek wōt ilo jermal ko aer kinke rejelā bwe Anij make, jab armij ro, eo enaj ekajete ir (1 Cor. 4:3-4).



Frank im Walter Bond rekar mijenede ro jinointata ilo Spain. Walter ear mij kin tōmak eo an ilo Jaen ilo yiō 1914.

Ritōl ro an Rikirijin rej aikwij ɔoor iaɭ eo an Jisōs ilo aer mōñōñō in eñtaan kōn ro jeir im jatier, im barāinwōt, eɭaññe eaikuj, mej kōn jermal in karejar eo aer (1 Cor. 4:11-13; 2 Cor. 11:23-28).

Anij ear jab kir ri tel ro ak membōr ro ñan aer tarinae ak akwāāl don, ak ear kir ir bwe ren ibben doñ ilo aer nebar Jisōs im kwalok naan eo an debwāāl eo.



“Ejelok men emaron kōmman bwe en jejjet an member ro ibben dron iloan eklesia eo ak jitōb in kijenmij wot einwōt an Kraist. Setan emaron in kallib ine in akwāāl ebwiljin member ro; Kraist wōt emaron kōmman bwe en jimwe men ko ej komman jebel jen dron.... Ñe kom einwōt ri jermal ro an kabuñ in yokwe Anij elaptata im ro ri turin einwōt kwe make, innem enaj ejelok kijejeto ko rebin ñan aer naj bed ilo juon wot, enaj wōr juōn wōt ilo Christ, lojilñiir in kenaak renaj kilōk, im ejelok en enaj bōk juōn nan in kajirere nae ri turin. Ro uwaan eklesia eo renaj kautiej yokwe im ibben dron im renaj einwot juon baamle elap. Innem jenaaj bōk menin kamool ko ñan lal in me renaj kamool bwe Anij ear jilkintok Nejin ñan lal in.”

EGW (Reflecting Christ July 5)